

bænda
FERÐIR

HJÓLAÐ & SIGLT UM PERLUR DÓNÁR



25. ágúst – 1. september 2019
Fararstjórn: Bjarni Torfi Álfþórsson

Austurríki | Ungverjaland | Slóvakía | Þýskaland

Ferðalýsing

Hér fer saman einstaklega þægileg **hjólaferð** í bland við **skemmtisiglingu** með fljótaskipi eftir ánni Dóná, næst lengstu á Evrópu sem hlykkjast um fjölda landa og á milli spennandi borga. Nýir áfangastaðir mæta okkur á hverjum degi án þess að skipta þurfi um gististað og munu heimsborgirnar Passau, **Bratislava**, Búdapest og **Vín** verða á vegi okkar. Vínekrur, sveitaborgir, kastalar og virki bera fyrir augu á yndislegum hjólaleiðum meðfram árbakkanum. Um borð í 4* fljótaskipinu **MS Carissima** er mjög góður aðbúnaður, notalegar káetur, veitingastaður, útsýnisbar og heilsulind. Siglt verður frá **Passau** til **Búdapest** og aftur til baka en að á mismunandi stöðum hvora leið. Þegar skipið leggst að landi er hjólunum raðað upp á bryggjuna og hjólað verður að næsta áfangastað skipsins. Dagleiðirnar spanna að meðaltali 40 - 50 km og eru miðlungserfiðar en rólegur ferðahraði tryggir að farþegar njóti umhverfisins og því sem fyrir augu ber í þessu dásamlega umhverfi.

8 dagar | 7 nætur MS Carissima



25. ágúst | Flug til München & ekið til Passau

Flogið verður með Icelandair til München. Brottför frá Keflavík kl. 7:20 en mæting í Leifsstöð í síðasta lagi 2 klst fyrir brottför. Lending í München kl. 13:05 að staðartíma. Frá flugvellinum í München eru um 150 km til Passau svo gera má ráð fyrir að rútuferðin taki um 2 klst. Borgin Passau stendur við ármót Dónár, Inn og Ilz í Bæjaralandi og setja árnar þrjár einstaklega fallegan svip á borgina og eru margir þeirrar skoðunar að bæjarstæðið sé eitt fallegasta í Evrópu.

26. ágúst | Frá Engelhartzell til Aschach

Þegar við rumskum af værum svefni hefur skipið lagt að bryggju í Engelhartzell í Austurríki. Nú hefjum við fyrsta hjóladaginn og njótum dýrðarinnar sem fyrir augu ber. Við hjólum yndislega leið eftir árbakkanum um Dónárbugðuna sem er einn fegursti hluti ársinnar. Leið okkar liggur framhjá krúttlegum bóndabýlum og kyrrlátum þorpum. Hér og þar bjóða veitingastaðir við vegkantinn upp á hálfgerjað vín sem kallað er Most eða Sturm og annað góðgæti af svæðinu. Þegar við höfum náð áfangastað í bænum Aschach verður stigið um borð og siglt inn í nóttina. Vegalengd dagsins er um 42 km.



27. ágúst | Virki Devin & Bratislava

Hjólaleið dagsins hefst á mjóum stígum yfir svæði þar sem járntjaldið varnaði leið hér áður. Við hefjum ferðina við Devin virki og hjólum að glæsilegum barrokk garði kastalans Hof sem er einn tilkomumesti lystigarður Evrópu. Áfram er haldið um óspillta náttúru og skömmu seinna komum við inn í ys og þys Bratislava. Áhugasamir geta farið í skoðunarferð um borgina. Vegalengd dagsins er um 43 km.

28. ágúst | Búdapest & listamannabærinn Szentendre

Pegar siglt er inn til Búdapest blasir við okkur stórkostleg sýn yfir allar frægustu byggingar borgarinnar. Dóná aðskilur borgarhlutana tvo, hallarhverfið og borgarhlutann, Búda og Pest, en fjöldi voldugra og fallegra brúa tengja þá saman og setja sterkan svip á þessa fallegu borg. Pegar akkerum hefur verið kastað er möguleiki að fara í skoðunarferð um borgina. Frá Búdapest hjólum við meðfram skógum og eyrum á árbakkanum uns við komum að listamannabænum Szentendre. Bærinn á sér meira en 1.000 ára sögu og bera þröng stræti og lítil torg merki um það. Í Búdapest verður hægt að njóta kvöldsins og m.a. fara á sýningu heimamanna með hefðbundnum söng og dansi, þar sem skipið fer ekki frá borginni fyrr en eftir miðnætti. Vegalengd dagsins er um 54 km.



29. ágúst | Dónáhnéð & Esztergom



Á þessu svæði er Dóná umvafin snarbröttum fjöllum og aflíðandi hólum í heillandi umhverfi sem við njótum í hjólaferð dagsins. Við höldum til bæjarins Esztergom þar sem við stígum aftur um borð í fljótaskipið. Bærinn er einn af elstu bæjum Ungverjalandis en basilíkan þar var vígð árið 1869 með flutningi tónverks sem var sérstaklega samið við þetta tilefni og stjórnað af Franz Liszt. Vegalengd dagsins er um 43 km.

30. ágúst | Hjólað um Vínarborg

Í dag förum við í skoðunarferð á reiðhjólunum um þessa virðulegu höfuðborg Austurríkis. Við hjólum hringvegin en við hann standa allar helstu byggingar borgarinnar svo sem óperan, ráðhúsið, þinghúsið, lista- og náttúrugripasafnið og háskólinn ásamt fjölda grænna garða og minnismerkja. Meðal annars verður litið inn í Stephansdom dómkirkjuna og farið að hinu þekkta Hundertwasser húsi. Að skoðunarferðinni lokinni gefst frjáls tími til að fá sér hressingu og kanna borgina á eigin vegum. Áhugasamir geta hjólað eftir Dounau Insel, bíllausri 22 km langri eyju sem liggur mitt í Dóná og er algjör útivistarparadís. Um kvöldið er hægt að fara á tónleika í Schönbrunn höllinni áður en skipið leysir landfestar og siglir sem leið liggur til Wachau.



31. ágúst | Konungsleiðin

Síðasta hjólaleið þessarar ferðar er kölluð konungsleiðin. Hjólað er milli notalegra þorpa sem kúra í hæðóttu landslaginu, framhá fornum virkjum og glæstum höllum. Svæðið er þekkt fyrir ávaxtarækt og þá sérstaklega vínrækt og þekja vínekrurnar hæðirnar í stöllum eins langt og augað eygir. Tilvalið er að staldra við og hvíla lúin bein á einni af þeim

fjöldamörgu vínkrám sem standa við veginn og bragða á framleiðslu heimamanna. Vegalengd dagsins er um 37 km.

1. september | Heimferð

Að morgunverði loknum leggst skipið að bryggju í Passau. Við keyrum þá beint á flugvöllinn í München, en flogið verður heim kl. 14:05 og landing á Íslandi áætluð kl. 16:00 að staðartíma.

Fljótaskipið MS Carissima

Skipið er 4 stjörnu og einstaklega glæsilegt. Þar er frábær veitingastaður, setustofa og bar með útsýni til þriggja átta, heilsulind með gufubaði og nuddpotti ásamt útisundlaug á útsýnisdekki en þaðan er einstaklega góð sýn á árbakkana beggja megin. Káeturnar eru 14 m² að stærð og allar hafa þær sérbaðherbergi, hárpurrku, sjónvarp og öryggishólf. Stilla má hitastig í hverri káetu fyrir sig. Greiða þarf fyrir nettengingu um borð en hafa skal í huga að gæði tengingarinnar fer mjög eftir því hvar skipið er staðsett.



Undirbúningur

Hjólaferð er fyrir alla þá sem haldið geta jafnvægi á hjóli. Gott er að hafa vanið sig við að sitja nokkra klukkutíma á hnakknum áður en lagt er í ferð eins og þessa. Ráðlegt væri að festa kaup á gelhnakk eða hjólabuxum með rasspúðum. Farastjóri mun boða þátttakendur í eina eða fleiri stuttar hjólaferðir hér heima áður en haldið verður utan. Öll hjólin á skipinu koma með rúmgóðri 20 l hliðartösku og tösku á stýrið. Farþegar þurfa að koma með eigin hjálm og hjólafatnað en slíkt er einnig selt um borð.



Verð aðalþilfar

264.600 kr. á mann í tvíbýli á aðal þilfari

Ekki er hægt að fá einbýli á aðal þilfari.

Aukagjald

29.900 kr. aukagjald á mann í tvíbýli á miðju þilfari

Ekki er hægt að fá einbýli á miðju þilfari.

43.400 kr. á mann í tvíbýli á efra þilfari

105.700 kr. fyrir einbýli.



Innifalið

- ✓ Flug með Ícelandair og flugvallaskattar.
- ✓ Ferðir á milli flugvallarins í München og hafnarinnar í Passau.
- ✓ Móttaka hjá skipstjóranum fyrsta daginn um borð með fordrykk.
- ✓ Gisting í tveggja manna káetu með baði/sturtu á MS Carissima
- ✓ Herbergisþjónusta og fersk handklæði á hverjum degi.
- ✓ Fullt fæði allan tímann; morgunverðarhlaðborð, hádegisverður eða nestisþakki fyrir hjólaferðir, kaffi og kökur síðdegis og kvöldverður með vali um 2 – 3 aðalrétti. Miðnætursnarl.
- ✓ Gala kvöldverður með kveðjukokteil síðasta kvöldið.
- ✓ Skemmtiatriði um borð.
- ✓ Lífandi tónlist um borð öll kvöld.
- ✓ Hjólaprógramm með upplýsingum og kortaefni fyrir hverja káetu.
- ✓ Íslensk fararstjórn.



Ekki innifalið

- ✓ Leiga á 24 gíra trekkinghjóli í 6 daga. Hverju hjóli fylgir rúmgóð vatnsheld hjólataska, handhæg stýristaska, hjólapumpa og lás. 13.900 kr.
- ✓ Leiga á rafhjóli í 6 daga 30.300 kr. Hverju hjóli fylgir rúmgóð vatnsheld hjólataska, handhæg stýristaska, hjólapumpa og lás.
- ✓ Aðgangseyrir inn á söfn, í hallir og kirkjur.
- ✓ Þjóf fé.

